



OPĆINSKI NAČELNIK

MUNICIPALITY MAYOR

Broj: 05/2-11/3-1059/24

Velika Kladuša, 01.07.2024. godine

Na osnovu člana 70. člana 69. Zakona o javnim nabavkama BiH („Službeni glasnik BiH“, broj: 39/14 i 59/22) i člana 43. Statuta Općine Velika Kladuša („Službeni glasnik Općine Velika Kladuša“, broj: 12/11), u predmetu otvorenog postupka za nabavku usluge procjene tržišne vrijednosti pomoćnog objekta (garaže, ostave) u Ulici Ibrahima Mržljaka, Velika Kladuša, Općinski načelnik Općine Velika Kladuša, donio je

**ODLUKU
o poništenju postupka javne nabavke**

1. **Poništava se postupak** javne nabavke pokrenut donošenjem Odluke o pokretanju postupka javne nabavke broj: 05/2-11/3-1059/24 od 28.05.2024. godine, te Obavještenjem broj: 299-1-2-12-3-28/24 objavljenim na stranici Agencije za javne nabavke dana 07.06.2024. godine, tip postupka Otvoreni postupak za nabavku usluge procjene tržišne vrijednosti pomoćnog objekta (garaže, ostave) u Ulici Ibrahima Mržljaka, Velika Kladuša.

2. Ova Odluka objavit će se na službenoj web stranici Općine Velika Kladuša, u skladu sa članom 70. Zakona o javnim nabavkama BiH („Službeni glasnik BiH“, broj: 39/14 i 59/22).

Obrazloženje

Na osnovu Odluke o pokretanju postupka javne nabavke pokretnut je dana 28.05.2024. godine postupak javne nabavke usluge procjene tržišne vrijednosti pomoćnog objekta (garaže, ostave) u Ulici Ibrahima Mržljaka, Velika Kladuša.

Javna nabavka provedena je putem otvorenog postupka, a kao kriterij za dodjelu ugovora odabrana je najniža cijena tehnički zadovoljavajuće ponude. U skladu sa članom 35. Zakona o javnim nabavkama BiH („Službeni glasnik BiH“, broj: 39/14 i 59/22) Obavještenje o javnoj nabavci broj: 299-1-2-12-3-28/24 objavljeno je na Portalu javnim nabavki (ejn.gov.ba), dana 07.06.2024. godine. Procijenjena vrijednost nabavke iznosi 542,82 KM bez PDV-a.

Krajnji rok za dostavljanje ponuda bio je 28.06.2024. godine do 09:00 sati.

Komisija za javne nabavke u Zapisniku o pregledu i ocjeni ponuda broj: 05/2-11/3-1059/24 od 28.06.2024. godine godine konstatovala je da je Tendersku dokumentaciju preuzelo 4 (četiri) ponuđača, a da nakon isteka krajnjeg roka za dostavljanje ponuda nije pristigla nijedna ponuda od strane ponuđača, što je konstatovano u Zapisniku o otaranju ponuda od 28.06.2024. godine.

Članom 69. stav (1) Zakona o javnim nabavkama propisano je: „Postupak javne nabavke može se okončati: a) zaključenjem ugovora o javnoj nabavci ili okvirnog sporazuma ili b) poništenjem javne nabavke.“

Članom 69. stav (2) tačka a) Zakona o javnim nabavkama propisano je: „Ugovorni organ obavezan je poništiti postupak javne nabavke u slučaju da nije dostavljena nijedna ponuda u određenom krajnjem roku.“

Budući da je u ovom postupku javne nabavke u krajnjem roku nije dostavljena nijedna ponuda od strane ponuđača, u skladu sa gore navedenim odredbama Zakona o javnim nabavkama BiH, odlučeno je kao u dispozitivu Rješenja.

UPUTA O PRAVNOM LIJEKU: Svaki ponuđač koji ima legitiman interes za konkretan Ugovor o javnoj nabavci i koji smatra da je Ugovorni organ u toku konkretnog postupka dodjele ugovora prekršio jednu ili više odredbi Zakona o javnoj nabavci BiH ima pravo uložiti žalbu u roku od 10 (deset) dana od dana kada je primio Odluku, odnosno Obavještenje o dodjeli Ugovora. Žalba se podnosi Ugovornom organu, kao prvostepenoj instanci u žalbenom postupku, u tri primjerka direktnom predajom kod Ugovornog organa ili preporučenom poštanskom pošiljkom.

OPĆINSKI NAČELNIK

Fikret Abdić, dipl.ing.

DOSTAVITI:

1. Predlagaču javne nabavke,
2. Služba za upravu, društvene djelatnosti i zajedničke poslove (web stranica),
3. U spis,
4. a/a.

